

太上濟度章赦卷中

寅

太上濟度章赦卷中

官八

章

破豐都開業道章

開度黃籙用

具位臣某誠惶誠恐稽首頓首再拜上言臣

樗櫟散材蓬茅賤質幸緣宿慶濫綴真班功

無絲粟之圓過有淵陵之積曲蒙涵貸未賜

誅夷擔勉操修庸期報稱既承投懇敢不關

聞臣謹據入意臣切惟三官九署北都羅豐

六洞十宮冥關幽夜水火考對生死拘維茹

苦終天千齡展轉雖衆生之妄業自受而上

玄之仁澤堪矜非賴救原曷臻超邁謹為拜
章一通上聞三天伏望慈悲曲垂矜憫特降
玉清道炁靈寶妙光煥朗十方開明九壘即
俾亡故某人暨九玄七祖億劫種親六道四
生諸類幽爽濯沐妙炁頓悟良心宿劫冤愆

官八

應時解散臣謹為上請十方飛天使者十方
救苦玉童玉女上詣三天金闕玉陛下請降
元始符命救苦真符告下十方三界無極神
鄉天地水官陰陽罪錄三官九府百二十曹
北都羅酆內外宮洞阿鼻無間大小鐵圍十

二河源泉曲之府九幽五嶽罪考主司五苦
三塗諸大地獄五道都府執法冥曹乘此符
光輝明照耀鐵城摧毀苦考蠲停枷索脫除
繫囚消廢爐炭銅柱化作騫林鑊湯冰池悉
成蓮沼灰河炮炭俱變清涼劔戟刀山盡爲
寶樹蠲炎炎烈火之獄爍重重金剛之山執
對停平冤仇和釋惡根落滅罪籍捐陰赦宥
亡過某人溥及幽冥無鞅滯爽囚徒苦趣悉
遂逍遙滯魄沉魂各獲解脫更希睿旨勅下
青宮開紫陽玉匱之函出應化慈尊之號十

方流演萬品皈依廣開法門飛度累口庶使
善緣霧霈靈貺羅敷均沐生成以為效信恩
惟太上分別求哀臣愚謹因二官直使正一
功曹左右官使者陰陽神訣吏科車赤符吏
剛風騎置吏驛馬上章吏飛龍騎吏進章鳳
凰騎上章雲龍騎言章風發騎御章神龍騎
奏章飛龍飛虎騎各二人出操臣為齋主某
拜上破艷都開業道章文上詣三天曹伏願
天恩告報臣誠惶誠恐稽首頓首再拜

以聞

空三行

臣姓某屬州某縣某鄉某里某官觀某靖焚修

空三行

太上無形無名虛無自然至真大道無上玄

尊金闕七寶玉陛下

空三行

太歲某年月日於某處拜上

右凡書章用黃紙朱書紙高一尺一寸六

分行闊一寸二分幅宜單幅幅宜單行每

行定排十七字前一幅指兩行空第三行

方寫章銜疊書下寫臣某誠惶誠恐稽首
頓首再拜此一行不指字看長短到何處
住第四行寫上言字低於職銜一寸此行
方指十七字數也自上言以下至後每行
指字如法行上留半存行下不通走螳人

官八

三

姓名作一字寫不得抽破如鬼字如凶字
如死字如賊字諸不佳字不得在行上頭
如仙字人字生字諸佳字不得在行下頭
寫至以為效信即換云恩惟太上分別求
哀臣愚謹因二官直使正一功曹左右官

使者陰陽神訣吏科車赤符吏剛風騎置
吏驛馬上章吏飛龍騎吏進章鳳凰騎上
章雲龍騎言章風發騎御章神龍騎奏章
飛龍飛虎騎各二人出操臣為齋主某人
拜上某章上詣三天曹伏願天恩告報臣
誠惶誠恐稽首頓首再拜以聞以聞二字
低前行一字與再拜相去空三行疊書臣
姓某屬州某縣某鄉某里某宮觀某靖焚
修須自半行寫至下其下與紙下頭相平
又空三行疊寫大道銜太上無形無名虛

無自然至真大道無上玄尊金闕七寶玉
陛下只指書四寸八分又空三行自半行
寫太歲某年某月某日於某處拜上其下
與紙下頭相平太歲以後皆空紙矣書章
不隔日真大道銜不隔時故留某時及陛
下一點及以聞字內耳字一直筆朱填至
校章時方填也章可漏上寫大道銜具法
位銜臣姓某章奏謹封方函上寫謹謹上
詣三天門下具法師銜位臣姓某謹重封
入章在函內章函長一尺二寸闊一寸八

分以青緊線三度纏之其十字結處及兩
頭並貼紙印封之又入青紙方函寫如前
方函式前後以袱包之此封章法也

素車白馬章

臣賦性迂踈稟姿愚拙職忝司於濟度誠敢

官八

四

怠於關閤重冀高明曲原狂斐臣謹據入意

臣職惟領教理難抑違謹消今月某日為始
就某處肅建玄壇依按真科次第修奉臣切
惟九幽六洞三官北酆冥路幽關職司考對
匪藉蒼穹之宣告曷令部衛於形魂臣為拜

章一通上闔三天伏望慈悲曲垂矜憫特降
玉清道炁靈寶妙光照耀陰鄉煥明夜府即
俾亡故某人洎九玄七祖億劫種親六道四
生諸類幽爽免淪苦趣各脫拘維來詣玄壇
證品升度臣謹爲上請素車白馬大將軍一
十二人官將一百二十人九龍符命使者一
十二人官將一百二十人太玄玉女一十二
人官將一百二十人太玄直符一十二人官
將一百二十人上詣三天金闕玉陛下請降
太上敕救生天寶籙告下十方三界無極神

鄉北都羅艷泉曲之府三官九署百二十曹
水火陰陽內外宮洞三十六獄無間阿鼻大
小鐵圍炎池冰沼四瀆五岳十二河源五帝
考官六官掾吏巨天力士執罰神兵司殺司
功司錄司命主考主罪主獄主非四明賓公

官八

五

天門庭長十宮六洞五帝大魔冥冷大神五
道都府幽臺冥掾長夜鬼官無量陰曹咸令
知委遵承今來建壇之所頒行符命侍衛送
迎疾令上件亡魂衆苦蕩除出離地獄永辭
幽夜睹見光明黑簿燒焚業根披散叅朝玄

座受煉更生以為效信

開通道路章

臣惟蠢濁性稟顛蒙冒領玄階亶繇洪造敢竭再三之瀆庸抒萬一之忱臣謹據意忱臣職惟領教理難抑違謹消今月某日為始就

某處肅建玄壇依按真科次第修奉臣切慮

魂魄爽識來往經由道路關津或生拘隘非

賴上玄之誥命曷令阡陌之開通謹為拜章

一通上聞三天伏望慈悲曲垂矜憫特降玉

清道氣靈寶妙光開闢幽途光明無極即俾

亡故某人洎九玄七祖億劫種親六道四生
諸類幽爽徑離所部來覲齋壇釋罪通幽朝
真受煉臣謹爲上請太玄直符太乙使者五
帝直符十天傳言騎吏玄都金龍交龍驛吏
玉龍飛龍驛吏各一十二人官將各一百二

十人上詣三天金闕玉陛下請降東華青宮
九龍符命紫陽寶節五方生炁十天寶符洞
朗幽陰開明長夜告下天牢地獄水府陰曹
冥局土司泉曲六道北酆九壘三官九幽五
嶽十宮九州社令洞天福地考校曹僚蒿里

丈人丘丞墓伯河侯河掾土下官君歲德尊
神山林孟長泉源溪澗冥路幽關血食紳司
城隍里域社廟土地一切主曹咸稟天符遵
依告戒除寃拔罪啓路開局釋放上件亡魂
整肅形儀經歷次第來詣壇席聽法恭真傳
授戒符領沾功德幽夜不經於險阻冥關克
遂於逍遙名攝無拘以符效信

官八

六

攝召亡魂章

臣控伺無識愚鈍自將冒闡明科奉揚妙化
爰瀆聖威之峻荐陳愚悃之微冀藉慈悲俯

垂采覽臣謹據入意臣職惟領教理難抑違
謹消某月某日為始就某處肅建玄壇依按
真科次第修奉臣切慮冥途寥廓幽路淒迷
匪憑召攝之威曷顯神虎之政謹遵太乙神
虎祕法宣告太乙玄冥玉札神虎符命鐵迹
臺光寶章建立神虎攝召壇刻時定令追攝
亡故某人洎九玄七祖億劫種親六道四生
諸類幽爽顯接陽眷昭現神機謹為拜上章
文上間三天伏望慈悲曲垂矜憫特降玉清
道炁靈寶妙光洞朗幽關無有窒礙玉札符

命照耀輝華冥吏幽曹丕承敬聽臣謹為上
請北魁玄範神虎內真雄左大力統制百節
三魂符吏眾機玉曹玄伯雌右武鸞提魂攝
魄倒生玄司飛符玉札主吏上部追魂使者
中部追魂使者下部追魂使者追家先七祖
三魂上元玉女追傷亡癩癩癩癩癩瘡亡
魂中元玉女追無主癆瘵風癱亡魂下元玉
女追瘟疫雷噴亡魂玉符玉女追驚吊刀刑
自縊落水投火胎產厭穢亡魂龜真素握玉
女追毒藥厭魅呪詛刀兵劫掠王法禽獸所

害亡魂九靈出臺玉女追見禁罪魂正一延
生六甲隱天靈符玉女疾速來降承符宣德
攝魄召魂又為上請丹天左衛大將軍五方
啓道童子十方道主者六道功曹三界追魂
使者天洞天真清清冷冷尋魂攝魄對魂聚
魂諸大將軍一合來下為臣攝召上件亡魂
聚神復炁克返陽居升幡現形通靈入夢上
彰道化下慰哀情受煉膺符聞經聽法削罪
書於北鬱紀真籍於南丹時刻升遷以為效

信

太上洞玄靈寶

沐浴醫治章

臣塵泥漏品螻蟻微生冒膺宣德之班敢怠
度人之典威顏有赫來聽是期臣謹據入意
臣職惟領教理難抑違謹消某月某日為始
就某處肅建玄壇衣按真科次第修奉臣切

慮上件亡魂幽關閉鬱陰垢纏罹欲期容體
之澄清必賴神泉之蕩滌謹為拜章一通上
聞三天伏望慈悲俯垂矜憫特降玉清道炁
靈寶妙光泱灌蘭池輝華沐浴即俾亡故某
洎九玄七祖億劫種親六道四生諸類幽爽

蠲消氛翳潔湛形神六府洞明一塵不染臣
謹爲上請東井玉女華池夫人浣濯玉女沐
浴君吏日月童子各一人五方解穢君將吏
各一百二十人一合下降神化東井黃華之
池西田流汨之沼汲取石景王肥黃華神水

實八

五方正炁日月芝英甘露金津雲腴玉醴沐
浴所度亡魂灌煉罪塵滌除障垢淨結節胞
胎之穢清冤債煩惱之氛又爲上請東方青
靈始老哺飴以九炁之青津南方丹靈真老
哺飴以三炁之丹華西方皓靈黃老哺飴以

七炁之素漿北方五靈玄老哺飴以五炁之
玄滋中央黃靈玄老哺飴以一炁之黃英定
魄安魂自生五臟又為上請金剛百煉玉液
千和太白流光元皇散精解除鬱煩去蕩滓
穢身心清淨智慧洞明又為上請天醫神吏

尚藥靈官三五功曹天醫博士砭石小吏敷
藥靈童密運九轉芝英五色神藥布散經絡
藏府之中救療生前榮衛之病即使上件亡
魂宿患清平沈痾痊愈精神復舊肢體潔清

受化更生以為故信

溥度幽魂章

臣忝列真階莫裨玄化矢心領教勵志度人
荐干咫尺之威庸露億千之悃臣謹據齋意
臣職惟領教理難抑違謹洎今月某日為始
就某處肅建玄壇次第修奉臣切見冥關幽

官八

九

路滯魄窮魂或水火飄焚或兵戈謀害或木
石損磕或挺刃刑傷或久抱飢寒或曾遭燬
毒或寇盜殺戮或蛇虎吞殘或王法凌遲或
震雷噴擊或覆車墜馬或自縊投河或他境
流亡或從軍傾斃或鬼神拘繫或冤對勾連

或瘖跛聾盲或瘴瘟癰疰或胎產殞命或疾
病夭傷或宿抱怨嗟或常懷憂忿或玄恩未
度或常赦不原孤滯千名沈淪萬姓山林寄
影郊野潛形流浪無歸實堪憐恤惟黃籙昭
天漏泉之澤正陰關求哀望度之機臣雖稟
承玉符冒頒大赦尚慮功德未徧幽冥謹遵
無量度人之道取今月某日夜修設玄都大
獻玉山淨供攝召九州十界六道四生諸類
傷亡無邊爽識享食受煉脫苦生仙自非大
道之慈憐曷俾衆魂之解脫謹爲拜章一通

上聞三天伏望慈悲特垂矜憫頒降玉清道
炁靈寶妙光遍滿十方輝明九野上極無上
下極無下接引萬類均赴法筵滌罪解冤煉
形受化臣謹為上請玉清溟滓大梵靈官青
玄黃籙救苦靈官功曹玉童玉女各三十二
人仙吏一百人上詣三天金闕玉陛下請降
元皇慈悲吉祥甘露賚持天慈赦宥寶幡一
合下降即為呪洒甘露溥化斛筵周徧虛空
無窮無盡哺飴衆爽充足豐盈隨感來歎悉
皆飽滿仰承元始符命金籙白簡救苦真符

長生靈符太上生天寶籙東華青宮九龍符
命寶光羅絡拔度幽沈不分六道四生成受
黃籙冶煉即使未度者度未生者生未升者
升未化者化合符膺券返陰還陽超凌人天
以爲效信

官八
九煉生仙升度亡魂章

臣道未通玄德難入妙屢爲人而造請每拊
已以凌兢仰藉汪涵俯加原貸臣謹據齋意
臣職惟領教理難抑違謹消今月某日爲始
就某處肅建玄壇次第修奉臣切慮上件亡

魂陰暗久淪陽光易隔匪藉黃華之治煉曷
令碧落之登真謹取某日夜遵依靈寶大法
無量度人開廓五文奉行九煉先為拜章一
通上聞三天伏望慈悲曲垂矜憫特降玉清
道炁靈寶妙光灌注玄壇輝明洞耀即俾上
件亡魂身沐靈光心滌陰穢水火煉質表裏
周圓謹為上請南宮度人不死尊神南極長
生大君度世司馬大神好生韓君夫人真君
南上司命司錄延壽益算度厄尊神迴骸起
死無量度人真君度魂上生南宮真君奉為

亡故某人注算金文定名玉簡又為上請太
乙救苦仙吏金闕化身仙吏朱陵度命仙吏
逍遙快樂仙吏寶華圓滿仙吏煉度玉司靈
寶仙官玉童玉女將軍使者功曹主吏上詣
三天金闕玉陛下請降元始符命金錄白簡
官八
長生靈符內音玉字赤書真文上生黃錄寶
十一
誥下臨壇席奉為亡故某人破艷都之穢濁
蕩泉壤之幽陰削落業根焚燒罪籍飛度五
戶斬滅三尸建立法橋迴旋雲界啓黃華之
寶井立流火之神庭陶冶陽靈蕩除陰翳上

登朱府下入開光復返萬神重生九炁披登
天之法服駕蓮花之寶輿徑詣天門朝禮金
闕逍遙自在與道合真永無輪轉之憂常履
熙明之運

酆都赦罪章 明真齋用

臣生居濁世運際昌期佩錄叅玄傳經悟道
誓度人而領教庶補過以立功凡有皈投敢
忘關告臣謹據齋意臣切惟三官九署百二
十曹六洞十宮三十六獄鐵圍無間泉曲河
源五苦三途九幽五岳典司憲令考對愆尤

愚俗衆生罔明正理造寃積業抱惡逞非致
使名隸北艷魂歸幽夜拘閉陰獄囚繫終天
痛苦備嬰莫由解脫匪賴玄虛之曲救曷令
罪報之蠲除謹爲拜章一通上聞三天伏望
大德好生至仁無外特降玉清道炁靈寶妙
光朗映十方煥明三界冥關幽路照耀輝華
地累罪魂應時清淨即俾上件亡魂出離夜
壑覩見晨陽開發善心自識宿命悔過進善
脫苦超生臣謹爲上請降真名靈符吏降真
召靈童子各一人特爲亡故某人恭請大極

真符告下東極天中長樂宮內大慈仁者尋
聲赴感太乙救苦天尊希降威神慧光普照
十方世界重陰極壘北都寒池一一獄中悉
成陽境鐵城摧毀枷鎖脫除赦宥亡故某人
萬罪蕩除冤仇和釋不經地獄覩見光明仰

實八

十二

頽天尊上聖召十方飛天神王救苦真人救
苦童子青玄玉女遍下幽獄降慈悲之法雨
洒甘露之寶漿即得水雪生春炎烟息焰刀
化玉樹劍變騫林寒冰溟冷頓除凜冽鑊湯
銅柱悉獲清涼獄卒牛頭俱生善念銅蛇鐵

狗永斷惡緣曹局除考對之名司案焚業報
之字以至驅雷役電漣汲溟波負石擔沙天
圓轉匝穿地引水運風掃山謫役囚徒均承
妙化斷地逮役度上南宮蒙如懇切之祈允
拜提携之造

沐浴煉度章

臣塵埃賤質草莽微生誤沐甄陶俾登階品
亶藉圓成之造敢忘報稱之私誓拯沈淪庶
敦勲行臣謹據齋意臣職惟領教理難抑違
謹消今月某日爲始就某處肅建玄壇依按

真科次第修奉臣切惟積夜重泉冥鄉幽路
陰氛縈結業垢交罹衆生魂墮寒庭神歸夜
壑陰霾混翳晦濁蒙維雖已頒告符章曲行
攝召慮淪幽域莫遂參朝自非沐浴於神泉
曷俾形魂之蕩滌謹爲拜章一通上聞三天

官八

十三

伏望大德好生至仁無外特降玉清道炁靈
寶妙光洞映蘭池神化玄液即俾亡故某人
澡身浴德蕩垢清塵洗表裏之昏蒙除形神
之熱惱朝真聽法度命升玄臣謹爲上請五
方五靈童子各五人解穢君吏各一百二十

人浣濯夫人黃華玉女各一人應時下降取
黃華神水煉尸素漿甘露金津雲腴玉醴灌
注蘭湯之中沐浴亡故某人湔滌塵勞消除
罪障五臟六腑悉得清明九竅四肢俱成澄
潔又爲上請主水主火大將軍石景水母流
精玉女九光童子火鈴靈童青玄煉魂應干
真衆取南昌朱陵流火之庭東井黃華流汨
之沼真水真火一合來下專爲亡故某人煉
洗穢氛陶澄累垢粧嚴受度克應升仙永證
無爲不經輪轉

升度亡靈章

臣陋質何庸短材無取師恩赫奕幸覩希微
帝力輝華若為報效期廣揚於濟度克昭贊
於生成臣謹據齋意臣職惟領教理難抑違
謹消今月某日為始就某處肅建玄壇依按
真科次第修奉臣切惟上件亡魂久淪陰地
獲覩陽光自非度命以反生曷俾超凌而自
在謹為拜章一通上聞三天伏望大道好生
至仁無外特降玉清道炁靈寶妙光朗耀玄
虛煥明壇墀即俾上件亡魂沐靈光而快樂

乘煉度以逍遙臣謹為上請南昌上官司命
君司錄君延壽君益算君度厄君度人不死
君南極長生君度世司馬君好生丈人君迴
骸起死無量度人君升度亡故某人先入黃
華寶井次入流火神度濯質蕩形除陰煉穢
挹九天之真炁灌五帝之靈芒氣象周圓形
神完復飈車碧落羽駕太清升入天門佩符
合券永無輪轉常獲逍遙受化更生以為效
信

官八

十四

遷拔亡靈章 遷拔道場用

臣福基夙挺昌運欣逢佩錄進階傳經受道
深慚蹇淺莫悟希夷過有貫盈功無纘積尚
沐生成之澤俾司濟度之科益勉操修庸期
報稱敬奉詞悃所合奏聞臣謹據齋意臣職
惟領教理難抑違謹消今月某日為始就某
處肅建玄壇依按真科次第修奉臣切惟三
官九署六洞十宮泉曲河源北艷東岱考核
善惡毫髮無差濁世衆生罔知修飾六根三
業五慾七情流浪顛冥馳騁不息致使魂歸
幽府神返幽關寃仇繫縈曹局推對悠悠長

夜深可矜憐自非上聖推惻隱之仁曷俾下
愚免沈淪之苦謹為拜章一通上聞三天伏
望道德曲成慈悲不冒特降玉清道炁靈寶
妙光照耀鬱單煥明澤壘即使亡故某人覩
此靈輝自識宿命捨惡趨善脫苦上生臣謹

官八

十五

為上請太上十二陽門開光童子一十二人
天道功曹一人九天雲路正一功曹九人南
昌上宮扶接引送神童玉女各一百二十人
手執太上遷神符命開導靈幡接引所薦亡
魂蒙陽光之下燭指雲路以上升逍遙太空

永無淪墜

蕩滌血湖章

血湖道場用

臣塵泥賤類草莽微生誤玷班聯濫司濟度
莫報生成之德誓宣化育之仁凡有皈依敢
忘關告臣謹據齋意臣切念亡故某人三生

四負多積冤愆六慾七情易招釁咎命罹產
厄神墮幽關北豐東岱之曹紀錄姓字硤石
血湖之獄考對形魂抱痛終天無由解脫爰
念稟生之本始孰非祖炁之分靈妄業自招
實堪矜憫帝恩無外諒賜哀憐謹為拜章一

通上聞三天伏望垂惠重泉曲加省覽特降
玉清道炁靈寶妙光洞映十方照燭長夜變
陰暗爲陽明之境化血湖爲清淨之場令諸
罪人自識宿命捨惡趨善脫苦超生臣謹爲
上請三炁流光符吏蕩滌血湖符吏各一人

官將各二十四人上詣三天金闕玉陛下請
降三炁流光真符玉元蕩滌血湖真符告下
北都羅酆大鐵圍山硤石無間血湖地獄即
冀符光朗耀陰壤開明原赦亡故某人洎見
禁經產身亡未得出離者並與疾除罪簿落

滅惡根解釋冤仇開通性識承今符命獲脫
冥途來詣玄壇聞經聽法全形復質隨果注
生又念淪染血腥形穢濁來朝三寶難近
天光謹為上請五方五帝解穢君吏各一人
玉女使者各二十四人九鳳破穢大將軍滌

官八

十六

穢大將軍洗穢大將軍滅穢大將軍各一人
官將各二十四人沐浴東井君一人官將二
十四人浣濯夫人黃華玉女各一人仙花玉
女一百二十人一合來下為取黃華神水煉
尸素漿甘露金津雲腴玉醴灌注蘭湯之內

沐浴亡故某人洗除產厭蕩滌穢腥俾令內
外光明形神潔淨根塵業垢並與澄清又念
亡故某人淪謝之初自膺痛毒榮衛傷瘁未
遂安痊謹為上請天醫神吏尚藥靈官治病
功曹太醫博士各一人一合來下密運神聖
工巧餌以日精月華玉芝金醴五色神丹救
療諸苦庶得陰陽通暢血炁和平經絡還元
魂神澄正朝真受度托化人天永無淪墜之
憂自在光明之界更願靈光煒燁慧澤周流
業海澄波血湖息浪人民品物並受生成舒

化日於三塗播仁風於八極

減度煉尸生仙章

五煉生尸齋用

臣幸藉宿因濫裨妙化誓廣宣於濟度庸上
贊於生成過有淵陵功無毫髮尚祈恩霑俯
賜包容臣伏為先師某人元命某年月日時

官八

十七

生存日佩某經受某錄奉某法補充某職係
某靖焚修末學道淺仙品未充莫能背土凌
空飛騰霄漢運應減度以某年月日身經太
陰享年幾歲已準三洞仙度品格衣服枕席
遍篆靈章衛其尸形又準減度五煉生尸寶

經王宇真文安鎮五方護其神識練吉遷葬

寄形土官

未葬更伺練吉寄形土官

尤慮生存之日功德

未周恐阻超邁遂卜今月某日謹就某處崇

建靈寶滅度五煉生尸妙齋二晝夜期將先

師某人扶接引送返形受生遊行太空臣事

金闕臣義同父子志劇悲惶

孝子云情鍾父子志劇悲惶

恭按真科次第修奉臣切惟三官九府百二

十曹四極明科三品洞律昭如日月威若雷

霆學道參真易招罪戾未經赦宥必墮幽鄉

轉眼畏途惟增駭汗今先師某人生逢昌運

佩奉玄元未明修真御景之方徒抱濟物利
人之志元臘節會禁戒多違經錄法階朝修
有缺重以飛章進表每瀆仙真設醮建齋或
干神吏致使玄曹畢錄黑簿登書陽過未原
陰愆莫追倏厭世遽受沈寥自非大道廣

運於慈悲曷俾後學疾躋於沖躡謹爲拜上
丹章一通上聞三天伏望上聖垂仁至真矜
憫特降玉清道炁靈寶妙光下覆先師某人
魂魄尸形削落愆尤解除考訟隨光御炁徑
上虛无仍乞告下十方三界一切真司特爲

原赦宿生今世三業六情泊學道以來無邊
過咎並從寬釋移名紫籍受化更生臣謹為
上請靈寶落滅惡道靈官三人官將各一百
二十人斷絕地根靈官四人官將各一百二
十人飛度累戶靈官五人官將各一百二十
人實八一合下降為先師某人落滅三惡斬絕地
根飛度五戶名列太玄乘景升神上登無極
若先師某人魂魄淪墜三塗五苦六天九幽
者即為度脫高升上境又為上請玄都金龍
驛吏一十二人東華青宮九龍符命使者九

天道功曹一人十方飛天使者十人官將各
一百二十人上詣三天金闕玉陛下請降元
始符命金籙白簡長生靈符東華青宮九龍
符命登真度命出離生死真符南昌上宮寶
誥告下三官九署五帝四司無鞅陰治若先
師緣公私罪犯未得解釋者願乘此仙度功
德悉為赦除若因三曾九祖億劫種親宿對
罪緣結累幽冥者願為條錄生前建善之功
速為解宥即冀改易罪籍定名玉簡遷神度
品高步天衢又為上請九天三十二天五老

上帝諸天省府北斗南辰日月五星天曹真
衆各降真炁接引先師某人蕩滌愆瑕進升
道境復還治職炁入玄玄登品成真永無輪
轉更願先師某人所屬某岳某山真靈正神
符下九土地官各依部界營衛尸形災害消
除塚墓寧靜形安神守魄不敢揚持節契符
重甦骨肉形與神合遊宴騰凌得爲神仙一
如五煉生尸經旨永奉玄恩以爲效信

真

十九

升度仙魂章

師友命過用

臣綴武班聯濫司濟度叨恩逾分拊已知元

誓弘洞輔之仁密賛生成之德尚祈洪造俯
鑒丹忱臣謹據齋意臣職惟領教理難抑違
切念某人幸藉夙緣叨承玄蔭佩籙奉法受
經學真易涉塵寰未明竅妙建齋設醮每冒
威儀拜表上章實乖俯仰破齋犯戒縱業違
情常失天和多循人慾三元五臘莫謹朝修
甲子庚申曾無懺謝過書黑簿名錄玄曹未
能坐脫立志升神御炁運應滅度身經太陰
莫測升沈倏經旬朔孝子云臣情鍾父子志
劇悲惶弟子云臣義均師友志劇悲惶自非

上聖垂慈高真孚佑俯矜愚昧力賜憐憫何
以洗浣前愆導迎新貺庸是不揆狂斐謹為
拜章一通上聞三天伏望大慈曲成至仁無
外特降敕命行下十方三界合屬去處將某
人浩劫以來稟生之後應有過犯並與赦除
即俾定錄青宮移名朱府形神混合炁象周
圓隨我學功校勲遷賞復還治職烝人玄玄
克為聖君金闕之臣大揚聖化緣運不絕身
得神仙逍遙上清永無輪轉

斷絕復連章 度星齋用

臣性識迂愚資材短陋綴班聯而領教誓濟
度以推仁凡有皈依敢忘關奏臣謹據齋意
臣切見上件亡魂涉生以來造業縱情罔知
檢戒厭世之後積愆抱釁自致沈淪流曳三
途顛連五苦惟思執滯宣八豈念超凌眷屬姻親
俱羅傳染家門大小積致傾亡二十求替代以莫
能遂復連而無已如斯陷溺實可矜傷自非
玄造之拯提曷俾下愚之安泰謹為拜章一
通上聞三天伏望隆慈曲加哀憫特降玉清
道炁靈寶妙光照燭重泉釋明夜壘即俾亡

故某人開通正念悔悟宿因醒覺前非自求
升邁免致延累永斷復連臣謹爲上請石安
君都星君誅殃君都平君朔平君天玄君石
仙君高都君斷殄君回化君十人天醫博士
善談大夫各一人官將各一百二十人除殃
君天昌君無上高倉君中宮左都候君各一
人兵士各一萬人素車白馬君一人吏兵十
萬人參星將軍太白兵星熒惑吏鐵面敢健
食鬼力士天鄒甲卒吏兵官將一合來下爲
齋主某人化諭先亡分解冢訟消除執著斷

絕復連又為上請斷蛀大將軍斷尸大將軍
各一人官將兵士十萬人九天補氣將甘露
將護命將各一人官將各三十二人一合來
下保護未來病苦斷除先亡復連即令某人
形魂利安塚墓寧靜徵呼塚訟自此斷除釋
罪登真永超幽暗齋主某人洎內外眷屬合
門姻親快樂逍遙竟離傳染精神安泰管衛
和平富壽康寧以為效信

官八

二十一

啓告玄穹章預修黃錄齋用

臣濫承玄貺叨領真班仰荷甄陶俯深銜戴

期暢生生之厚澤庸裨化化之深仁控告既
勤關聞敢後臣謹據齋意臣切慮建壇之所
劫灰以來陰濁混凝游氛四塞塵霾流伏昏
垢飛揚非繇解袂之功曷肅玄真之奉重以
故烝糾雜人物紛葩宜解滌除庶令清淨謹
爲拜章一通上聞三天伏望大慈曲施玄化
特降玉清道炁靈寶妙光上煥雲霄下輝風
壘十華八極罔不洞明即俾所建齋壇灌沐
靈光一塵不立內外融潔寶芝自生臣謹爲
上請五方五帝解穢君各一人官將一百二

十人捧持五和香泉真精法水一合下降浣
濯靈壇解除厭穢仙花玉女一千二百人九
鳳破穢籙中運穢解穢收穢却穢除穢斷穢
洗穢蕩穢諸大將軍各一人官將各一百二
十人五方五龍主水使者一合下降蕩滌內
外潔齋應辦器用室廬悉獲澄清更無厭滓
又為上請降真召靈符吏降真召靈童子各
一人賫持高上玉清仙王降真符命元皇召
靈符命宣告三界嘯命十方策役千靈關盟
萬聖護持壇律糾正齋功由始及終迄無障

撓更希敕旨行下玄壇受事靈寶仙曹省府
院司官君將吏從臣請降共佐洪釐使齋主
某人善果周圓嘉祥密被承恩今日流慶他
生散壇言功不負效信

超凌祖玄解冤章

官八

三三

臣學術荒踈材能淺局每為人而有請惟拊
已以知慚仰藉高明俯垂淵鑒臣謹據齋意
臣職惟領教理難抑違謹消今月某日為始
就某處崇建玄壇依按真科次第修奉臣切
惟齋主某人世緣酬酢塵務蒙迷九祖七玄

寧無罪累三生四負或結冤仇非由解釋以
超凌曷俾善功而圓滿謹先於某月某日夜
修設玄都大獻玉山淨供攝召上件亡魂普
及六道四生諸類幽爽享食受煉膺戒佩符
若寃若親俱超淨域庶使齋主其人一身清
淨萬罪蕩除冢訟不生怨憎何有逍遙自在
成就良因謹為拜章一通上聞三天伏望大
慈曲施宏化特降玉清道炁靈寶妙光照耀
陰扃開明夜府幽冥萬類均脫化機乘此靈
光來親壇墀聞經聽法各遂騰凌臣謹為上

請玉清溟滓大梵靈官三十二人仙吏一百
人為齋主某人呪洒甘露溥化斛筵周遍虛
空無窮無盡哺飴衆爽各獲豐盈隨感來歎
悉皆飽滿又為上請玉清上解祖考靈官解
冤釋結靈官各三十二人仙吏各一百人為

官八

二十三

齋主某人開釋祖玄疾除罪簿永超愛網獲
脫輪迴解釋仇讎齊同慈愛克離冤囿竟陟
生方俾先亡永無繫戀之憂而齋主克遂熏
修之果更為上請朱陵火府南昌上宮黃籙
靈曹執法仙衆各持真水真火煉度衆魂俾

出幽關咸生淨域庶幾恩甦品類悉出迷途
冤愛冥靈齊登道岸敷太上無私之澤贊玄
元有造之仁極天際地咸膺至化

不經地獄章

臣一介愚蒙千生緣會冒憑涵育荐瀆崇嚴
雖揣分以凌兢敢謄詞而關告臣謹據齋意
臣領詞虔切理難抑違謹洎今月某日爲始
就某處肅建玄壇依按真科次第修奉臣切
惟齋主某人托迹塵籠隨緣世網爲人爲己
易積愆尤謀身謀家動招罪障恣情於三尸

五累逞志於三業六根東岱簡書北鄴錄籍
百年運盡慮墮幽寥九夜神遷必膺考校茲
預投誠於玄極先期曲赦於蒼穹懺往罪而
盡消悔前非而不作勿經幽暗常履光明徑
上南宮永離北府究觀衷素實可矜憐謹爲

拜章一通上聞三天伏望大慈曲施宏化特
降敕命宣告三官九府百二十曹六洞十宮
羅豐鬱絕河源泉曲五道冥泠五帝考官六
宮掾吏巨天力士執罰神兵司殺司功司命
司錄城隍社令主罪職寮俾齋主某人積劫

以來稟生之後心生口語自作教他輕重罪愆未經原赦因今善果成與蕩除削過黑編移名青錄將來運應滅度身經太陰所在玄曹普加部衛不懼苦趣疾詣南天受化朱陵逍遙自在輪轉不絕得為神仙蒙如所陳允

官八

二四

昭真貺

南宮寄籍章

臣迂踈賤類朴野愚生誤綴班聯濫司濟度既投誠而懇告盍請命以關聞臣謹據齋意臣職惟領教理難抑違謹洎今月某日為始

就某處肅建玄壇依按真科次第修奉臣切
惟齋主某人身隨塵域心慕玄關謝過祈恩
既殫懇切修齋行道爰罄修崇期生前削落
於罪愆庶身後轉輪於福祐北都泉曲願滌
刑編南昌上宮覬書真籍儻此日寄名而有
耀則他生受化以無憂洞察忱恂委堪矜憫
謹爲拜章一通上聞三天伏望大慈曲施宏
化特降敕命宣告南曹爲消黑鬱之名即紀
朱陵之籍臣謹爲上請南宮度人不死尊神
南極長生大帝度世司馬大神好生韓君文

人真君南上司命司錄延壽益算度厄尊神
迴骸起死無量度人真君一合來降特為齋
主某人寄名玄籍削罪艷山運盡百年即登
朱火不經陰地常覩陽天流餘慶於曾玄沛
天恩於浩劫更希睿渥遍澤群靈監善惡之

官八

二十五

敷羅沐齋功之廣大普天率土均衍蕃釐六
趣三途俱承純嘏慈雲誕布湛露密濡動植
飛潛生生自在幽冥品類化化無方陶太和
之靈風鼓時雍之至治

衆真監度章

臣夙承玄運生際昌時慚無及物之功期暢
度人之澤荐敷萬一敢殫再三尚冀高明俯
垂采聽臣謹據齋意臣職惟領教理難抑違
謹洎今月某日為始就某處肅建玄壇依按
真科次第修奉臣切慮齋主某人業機累性
世網謀生五慾七情寧無過咎六因十習易
積愆尤雖汨沒於今時恐紛紜於身後懺罪
北府寄籍南宮諒荷玄恩俯垂洪澤自非生
身而受度永斷惡緣曷令膺戒以佩符常趨
善地庸罄忱恂之請仰干穹昊之仁謹為拜

章一通上聞三天伏望大慈曲施宏化特降
敕命宣告十方三界合屬玄曹俾齋主某人
肅建壇場羅敷盟信徼迎萬聖降召千真遵
金籙度命之文受九戒二簡之妙他年滅度
不墮迷途徑上朱宮更生受化謹為上請無

上九天帝君三十二天帝君五靈五老帝君
日月五星真君南辰北斗二十八宿三官帝
君南昌上宮度人真衆天曹地府五岳四瀆
無鞅真宰俯降玄壇監真證度奉為齋主某
解釋冤仇超度宗祖飛滅途苦斷落業根割

削陰名移注真籍降金液而煉質灌靈芽以
生津九炁周流八景合備消五行之魔試度
萬劫之凶災白簡上生赤書保運欣慶受度
既無拘於天門逍遙登真自永離於地戶百
年運盡直詣南丹受書超凌永登妙果培今
官八
生之慶址植他世之昌基與道合真以為效
信

太上濟度章赦卷中



